

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede



Босна и Херцеговина
Федерација Босне и Херцеговине
КАНТОН САРАЈЕВО
Министарство привреде

Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-07-11-39247-7/20
Sarajevo, 08.01.2021. godine

Ministarstvo privrede Kantona Sarajevo na osnovu člana 70. stav (1) Zakona o javnim nabavkama BiH („Službeni glasnik BiH“, broj 39/14), a na preporuku Komisije za provođenje postupka javne nabavke (Zapisnik o pregledu i ocjeni ponuda broj: 07-07-11-39247-6/20 od 30.12.2020. godine), u postupku javne nabavke čiji je predmet nabavke usluga – Izrada Šumsko privredne osnove za državne šume i šumska zemljišta za Šumsko privredno područje “Gornjebosansko” - dio (sa periodom važenja od 01.01.2023. do 31.12.2032. godine), donosi

ODLUKU

o izboru najpovoljnijeg ponuđača

I

Najpovoljniji ponuđač u otvorenom postupku javne nabavke čiji je predmet nabavka usluge Izrada Šumsko privredne osnove za državne šume i šumska zemljišta za Šumsko privredno područje “Gornjebosansko” - dio (sa periodom važenja od 01.01.2023. do 31.12.2032. godine) je firma **“BOSANSKOHERCEGOVAČKE ŠUME” Sarajevo.**

Cijena ponude iznosi **189.891,00 KM** (bez PDV-a), odnosno **222.172,47 KM** (sa PDV-om).

II

Po konačnosti ove odluke, prijedlog ugovora dostavit će se na potpis izabranom ponuđaču.



III

Ova odluka objavit će se na web stranici Ugovornog organa <http://mp.ks.gov.ba>



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1





O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-07-11-39247/20 od 12.10.2020. godine.

Predmet javne nabavke je nabavka usluge i to: Izrada Šumsko privredne osnove za državne šume i šumska zemljišta za Šumsko privredno područje "Gornjebosansko" - dio (sa periodom važenja od 01.01.2023. do 31.12.2032. godine).

Procijenjena vrijednost javne nabavke iznosi 205.000,00 KM bez PDV-a.

Javna nabavka provedena je putem otvorenog postupka.

Kriterij za dodjelu ugovora je "najniža cijena".

Za predmetnu nabavku, objavljeno je na portalu javnih nabavki Obavještenje o nabavci broj: 1044-1-2-1-3-2/20 od 23.10.2020. godine i Ispravka za obavještenje o nabavci broj: 1044-1-2-1-8-3/20 od 23.10.2020. godine. Sažetak obavještenja o nabavci, kao i Sažetak ispravke za obavještenje o nabavci objavljeni su u "Službenom glasniku BiH" broj 69/20. Tenderska dokumentacija objavljena je na portalu javnih nabavki.

Firma HKP Consulting d.o.o. Banja Luka podnijela je žalbu na Tendersku dokumentaciju dana 09.11.2020. godine, a koja je Zaključkom ovog ministarstva broj: 07-07-11-39247-4/20 od 12.11.2020. godine odbačena kao neblagovremena.

Firma IBIS d.o.o. Zavidovići podnijela je žalbu na Tendersku dokumentaciju dana 09.11.2020. godine, a koja je od strane ovog ministarstva aktom broj: 07-07-11-39247-3/20 od 12.11.2020. godine prosljeđena na odlučivanje Uredu za razmatranje žalbi/filijala Mostar. Ured za razmatranje žalbi/filijala Mostar donio je Zaključak broj: JH2-03-07-1-3324-6/20 od 10.12.2020. godine kojim se predmetna žalba odbacuje kao neuredna.


Komisija za provođenje postupka javne nabavke (u daljem tekstu: Komisija), imenovana Rješenjem broj: 07-07-11-39247-1/20 od 12.10.2020. godine, na osnovu utvrđenog roka za prijem ponuda do 16.11.2020. godine do 13,30 sati, prilikom javnog otvaranja ponuda dana 16.11.2020. godine u 14,00 sati zapisnički je konstatirala da su ukupno dostavljene dvije blagovremene ponude, i to kako slijedi:

Broj protokola ugovornog organa	Redni broj omotnice ponude	Naziv ponuđača	Omotnica sa ponudom ispravno zatvorena (zapečaćena ili potpisana da/ne)	Ukupna cijena ponude	Ponuđeni popust
07-11-45538	1	BOSANSKOHERCEGOVAČKE ŠUME	DA	203.000,00 KM	-
07-11-45539	2	ŠUMA PLAN	DA	204.700,00 KM	-



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1





Nakon javnog otvaranja ponuda, Komisija je dana 15.12.2020. godine pristupila pregledu i ocjeni ponuda, te zapisnički, Zapisnikom o pregledu i ocjeni ponuda broj: 07-07-11-39247-6/20 od 30.12.2020. godine, a koji je sastavni dio ove odluke, utvrdila slijedeće:

- da su ukupno pristigle dvije (2) ponude i to:
 1. Ponuda ponuđača "BOSANSKOHERCEGOVAČKE ŠUME" p.o. Sarajevo, zaprimljena pod brojem protokola ugovornog organa: 07-11-45538 dana 16.11.2020. godine u 10,39 sati;
 2. Ponuda ponuđača "ŠUMA PLAN" d.o.o. Banja Luka, zaprimljena pod brojem protokola ugovornog organa: 07-11-45539 dana 16.11.2020. godine u 10,45 sati.
- da su blagovremeno zaprimljene dvije (2) ponude i to:
 1. Ponuda ponuđača "BOSANSKOHERCEGOVAČKE ŠUME" Sarajevo;
 2. Ponuda ponuđača "ŠUMA PLAN" d.o.o. Banja Luka.
- da nema neblagovremeno zaprimljenih ponuda;
- da u predmetnom postupku javne nabavke nema ponuđača koji su isključuju zbog neispunjavanja uslova za kvalifikaciju, te da su ponude ponuđača "BOSANSKOHERCEGOVAČKE ŠUME" Sarajevo i "ŠUMA PLAN" d.o.o. Banja Luka u skladu sa zahtjevima iz Tenderske dokumentacije broj: 07-07-11-39247/20 od 19.10.2020. godine.

Ponuđač "BOSANSKOHERCEGOVAČKE ŠUME", prilikom javnog otvaranja ponuda, dostavio je ovom ugovornom organu slijedeću dokumentaciju:

- *Rješenje Kantonalne uprave za inspekcijske poslove Kantona Sarajevo o pristupu informacijama broj: 14-03-45-03363/20 od 28.07.2020. godine;*
- *Informacija Kantonalne uprave za inspekcijske poslove Kantona Sarajevo o mjerama inspekcijskog nadzora na k.č. 752/5 i 3008/86 KO Presjenica broj: UP-1-14-04-22-04771/20 od 28.07.2020. godine;*
- *Obavještenje Kantonalne uprave za inspekcijske poslove Kantona Sarajevo broj: UP-1-14-04-22-04771/20 od 10.08.2020. godine.*


Iz dostavljene dokumentacije vidljivo je da je ponuđač "ŠUMA PLAN" novčano kažnjen od strane kantonalne šumarske inspekcije, i to tako što su im izdati prekršajni nalozi u skladu sa članom 72. stav (1) i (2) tač. 9 Zakona o šumama Kantona Sarajevo ("Službene novine Kantona Sarajevo", broj 5/13), a zbog postupanja suprotno članu 13. stav (10) istog zakona. Prekršajni nalozi su plaćeni.

U vezi sa navedenim, ovaj ugovorni organ se priklonio mišljenju Ureda za razmatranje žalbi BiH, a koje je iznijeto u Rješenju broj: JN2-03-07-1-2267-8/20 od 08.10.2020. godine (obrazloženje Rješenja stranica 7 i 8), da se u konkretnom slučaju ne radi o teškom profesionalnom propustu iz



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1





člana 45. stav (5) Zakona o javnim nabavkama BiH („Službeni glasnik BiH“, broj 39/14), zbog kojeg bi se ponuda ponuđača “ŠUMA PLAN” trebala odbiti.

Obzirom da je Tenderskom dokumentacijom i Obavještenjem o nabavci u predmetnom postupku javne nabavke predviđena e-aukcija, ovaj ugovorni organ je 21.12.2020. godine, u skladu sa Pravilnikom o uslovima i načinu korištenja e-aukcije (“Službeni glasnik BiH”, broj 66/16), zakazao održavanje e-aukcije za dan 28.12.2020. godine sa početkom u 12,00 sati u trajanju od 10 minuta.

Nakon uspješnog završetka e-aukcije dana 28.12.2020. godine u 12,46 sati, a prema *Izveštaju o toku i završetku e-aukcije*, konačna rang lista ponuđača koji su učestvovali u e-aukciji izgleda ovako:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	BOSANSKO-HERCEGOVAČKE ŠUME	4200444890006	189.891,00 KM	6,46%	1
2	ŠUMA PLAN	4401778170000	190.094,00 KM	7,14%	2

Dakle, konačna rang lista prihvatljivih ponuda prema kriteriju za izbor ponude “najniža cijena”, a nakon uspješno provedene e-aukcije izgleda ovako:

1. Ponuda ponuđača “BOSANSKOHERCEGOVAČKE ŠUME” p.o. Sarajevo sa cijenom **189.891,00 KM (bez PDV-a)**, odnosno **222.172,47 KM (sa PDV-om)**;
2. Ponuda ponuđača “ŠUMA PLAN” d.o.o. Banja Luka sa cijenom **190.094,00 KM (bez PDV-a)**, odnosno **222.409,98 KM (sa PDV-om)**.

Obzirom da je ponuđač “BOSANSKOHERCEGOVAČKE ŠUME” p.o. Sarajevo u predmetnom postupku javne nabavke dostavio prihvatljivu ponudu, a koja je po kriteriju “najniža cijena” nakon provedene e-aukcije ocjenjena kao najpovoljnija, odlučeno je kao u dispozitivu ove odluke.

Pouka o pravnom lijeku:


Protiv ove odluke može se izjaviti žalba Uredu za razmatranje žalbi BiH putem ovog Ministarstva, u roku od 10 (deset) dana od dana prijema ove odluke. Žalba se podnosi u pisanoj formi, u dovoljnom broju primjeraka (najmanje tri), direktno ili preporučenom poštanskom pošiljkom.

U slučaju pokretanja žalbenog postupka podnosilac žalbe je obavezan uplatiti naknadu u iznosu od 2.000,00 KM, u skladu sa čl. 108. st. (1) tač. c) Zakona o javnim nabavkama BiH. Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe (čl. 108. st. (6) Zakona o javnim nabavkama BiH).




web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1





Prilog:

- Zapisnik o pregledu i ocjeni ponuda broj: 07-07-11-39247-6/20 od 30.12.2020. godine.



MINISTAR

Adnan Delić

Dostavljeno:

1. "BOSANSKOHERCEGOVAČKE SUME"
Maršala Tita 7, 71 000 Sarajevo
2. "ŠUMA PLAN" d.o.o. Banja Luka,
ul. Romanijska 1E, Banja Luka
3. Evidenciji,
4. a/a.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

